

Peqqussutissatut siunnersuummut oqaaseqaatit

Nalinginnaasumik oqaaseqaatit

1. Aallaqqaasiut

Meeqqanik inuusuttunillu ikiorsiisarneq pillugu Inatsisartut peqqussutaat atuuttoq 2003-mi upernaakkut ataatsimiinnermi akuersissutigineqarpoq 2004-milu ukiakkut ataatsimiinnermi allanngortinneqarluni. Tamatuma kingornatigut peqqussummi malittarisassanik atuinnermi paasineqarpoq § 21, imm. 2-mi ilaqutariit paarsisartut atugarisaannut malittarisassaliornissamut inatsisitigut tunngavissat atuuffissaannut tunngatillugu nalorninarqartoq.

Meeqqat inuusuttullu angerlarsimaffiup avataani ilaqutariinni paarsisartuniinnerannut atatillugu malittarisassat atuuttut kingullertigut KANUKOKA-mit, kommuninit ataasiakkaanit ilaqutariinnillu paarsisartunit isornartorsiorneqartarput. Meeqqanik inuusuttunillu ikiorsiisarneq pillugu Namminersornerullutik Oqartussat nalunaarutaat nr. 17, 1. juli 2003-meersumi malittarisassat qanittukut iluarsaateqqinnissaannut atatillugu pissusissamisuussaaq inatsisitigut tunngavigineqartut erseqissassallugit.

Taamaalilluni meeqqanik inuusuttunillu ikiorsiisarneq pillugu Inatsisartut peqqussutaanni § 21, imm. 2 allanngortinneqassaaq ilaqutariinnut paarsisartunut kaasarfimmiussanik atisassarsiutissanillu akiliuteqartarneq pillugu malittarisassanut meeqqanik inuusuttunillu ikiorsiisarneq pillugu Namminersornerullutik Oqartussat nalunaarutaat nr. 17, 1. juli 2003-meersuneereersunut inatsisitigut tunngavissat nalornissutaasinnaajunnaarsinniarlugit.

2. Siunnersuummi pingaarnert nassuiarneqarnerat

Allanngortitsinissamik siunnersuutikkut matumuuna siunertarineqarpoq Naalackersuisut ilaqutariit paarsisartut atugaannut malittarisassiorsinnaanerannut inatsisitigut tunngavissani aalajangersakkat kattunneqarnissaat.

Meeqqanik inuusuttunillu ikiorsiisarneq pillugu Namminersornerullutik Oqartussat nalunaarutaat nr. 17, 1. juli 2003-meersumi ilaqutariit paarsisartut kaasarfimmiussanik atisassarsiutissanillu akiliuteqartarnerat pillugu malittarisassaliortoqarsimavoq inatsisitigut tunngavissani aalajangersakkap atuuttup oqaasertaasa avataanniittunik. Taamaalilluni kaasarfimmiussanik atisassarsiutissanillu akiliuteqartarnermut inatsisitigut tunngavissat meeqqanik inuusuttunillu ikiorsiisarneq pillugu nalunaarut 1. juli 2003-mili atuutilermat nalorninarqarsimapput.

Inatsisartut peqqussutaanni § 21, imm. 2-mik allangortitsinerup kingunerissavaa malittarisassaareersut meeqqanik inuusuttunillu ikiorsiisarneq pillugu Inatsisartut peqqussutaanni inatsisitigut tunngavissaqalernerat.

3. Aningaasaqarnikkut allaffissornikkullu pisortanut kingunerisassai

3.1 Aningaasaqarnikkut pisortanut kingunerisassai

Allangortitsinissamik siunnersuut pisortanut aningaasaqarnikkut kinguneqassanngilaq tassami allangortitsinikkut aalajangersakkat atuutereersut tunngavissinneqaannartussaammata. Aalajangersakkamut atuutereersumut tunngatillugu allangortitsinerup kingunerissavaa Naalackersuisut Namminersornerullutik Oqartussanut kommuninulluunniit aningaasaqarnikkut kinguneqartussanik aalajangersaasinnaajunnaarnerat.

3.2 Allaffissornikkut pisortanut kingunerisassai

Allangortitsinissamik siunnersuut pisortanut allaffissornikkut kinguneqassanngilaq.

4. Aningaasaqarnikkut allaffissornikkullu namminersortunut kingunerisassai

Allangortitsinissamik siunnersuut namminersortunut aningaasaqarnikkut allaffissornikkullu kinguneqassanngilaq.

5. Avatangiisinut pinngortitamullu tunngatillugu kingunerisassai

Allangortitsinissamik siunnersuut avatangiisinut pinngortitamullu tunngatillugu kinguneqassanngilaq.

6. Allaffissornikkut innuttaasunut kingunerisassai

Allangortitsinissamik siunnersuut innuttaasunut allaffissornikkut kinguneqassanngilaq.

7. Allat pingaarutillit kingunerisassai

Allangortitsinissamik siunnersuut allanik pingaarutilinnik kinguneqassanngilaq.

8. Naalagaaffeqatigiinnermut namminersulernissamullu tunngasut

Allangortitsinissamik siunnersuut Naalagaaffeqatigiinnermut namminersulernissamullu tunngatillugu sunniuteqassanngilaq.

9. Oqartussaasunik kattuffinnillu allanillu tusarniaaneq

Allangortitsinissamik siunnersuut tusarniaassutigineqanngilaq, tassa pissusissaatut allangortitsinerinnaammat malittarisassanut atuutereersunut inatsisitigut tunngavissat nalornissutaajunnaaqullugit.

Peqqussutissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

§ 21, imm. 2-kkut siunertaavoq ilaqutariit paarsisartut atugarisaat pillugit malittarisassaliortarnermut inatsisitigut tunngavissani aalajangersakkat kattunneqarnissaat, tassami kaasarfimmiussanut atisassarsiutissanullu inatsisitigut tunngavissaq siusinnerusukku Inatsisartut aningaasanut inatsisaannut oqaasertaliussaniinnikummat.

Aalajangersakkakku Naalakkersuisut piginnaatinneqarput ilaqutariit paarsisartut atorfinitsitaasarnerannut, ilaqutariit paarsisartut sulinerminni atugarisaannut, aningaasarsianut, ajunngitsorsiassanut, nerisaqarnermut kiisalu kaasarfimmiussanut atisassarsiutissanullu nalinginnaasumik atugassarititaasut pillugit malittarisassanik aalajangersaasinnaanissaannut.

Piginnaatitsissut taanna meeqqanik inuusuttunillu ikiorsiisarneq pillugu nalunaarutip iluarsaateqqinneqarneranut atatillugu atorineqartussaassaaq.

§ 2-mut

Siunnersuutigineqarpoq Inatsisartut peqqussutissaat ulloq 1. december 2006-imi atuutilissasoq.